

年

卷

期

5

1

第

第

420字
75年

民族詩壇

右任

第一卷第五期

(總字第二十五號)

民族詩壇第五年……編者

要

詩……于右任等

詞……于右任等

曲……于右任等

目
越南革命家詩鈔……四家

記否詞……陳恆堪

南京圖書館藏

民族詩壇第五卷第一輯目錄

民族詩壇第五年

編者

詩錄

- 于右任……………二十二首
梁寒操……………一首
陳樹人……………十首
慕壽祖……………八首
尹欽衡……………四首
李仙根……………八首
尹公……………十六首

詞錄

- 王煥鑣……………二首
鄧承銓……………十七首
周邦道……………二首
張庚由……………六首
于右任……………一首
章士釗……………四首
黃介民……………一首

民族詩選

王去病……………一首

李靖烈……………四首

張庚由……………五首

成美楷……………四首

曲錄

于右任……………二首

盧前……………二首

越南革命家詩鈔

四家

記否詞

陳恆堪

民族詩壇第五年

編者

「民族詩壇」創刊於漢口，時爲民國二十七年。原定月刊，六輯爲一卷，每年應出版二卷，計共十二輯。第一卷未刊畢，乃西遷重慶發行。二十八年五月以後，幾於每輯必逾期。直至三十年十二月，始刊完四卷。

三十一年一月，當第五卷發刊之日。同人將編製方法及計劃，略有更易，謹舉以告本刊之讀者。

一、自第五卷起，改爲年出一卷。務盡最大努力，準在兩個月中印行一輯。
二、論文及詩詞話，從第五卷起暫停。俾充實作品，珍惜篇幅。每輯自成一集。（編輯方式與當前時代配合，完成詩史使命）。

三、在詩錄、詞錄、曲錄三欄外，開特載一欄。本冊介紹「越府」詩與「記否詞」。「記否詞」規撫謝堯生先生送楊昀谷詩人「下里詞」例，分之則四十三首，合觀亦自爲一

段。以待日後續刊一卷。

四、本刊之稿，因須轉折，每多遺失。自第五卷起，請賜稿者，逕寄四川白沙國立圖書館轉盧翼野君收。

五、「民族詩壇」期刊以外，「叢刊」第一輯十種亦將出版。現正計劃「第二輯」，所有批評，箋釋，作法，理論，儘量列入叢刊中。

六、「民族詩壇叢刊」皆印成普及本，此外尚有「精刻叢書」，已刻成者有三種。詳目再發表。

七、本壇另擬編選「民族詩庫」，第一步儘量搜集民國以來時賢所刊詩集，倘蒙見賜，請寄前列通信處。

編者

三十一年元旦日

詩錄

敦煌紀事詩

于右任

僕僕轉翁記此行，西陲重鎮一名城。更爲文物千年計，草聖家山（張芝素靖百敦煌人）
石窟幽。

二

克馬沙山一泫然，執戈能復似當年。月牙泉上今宵月，獨爲愁人分外圓。

鳴沙山在敦煌縣城南，塚之作灰白色，實則積五色細沙而成。高約十五丈，層疊綿延數十里。人自其中巔上滑下至山腰則鳴，昔人以為八音諸奏。以余所聞，正如

結隊飛騰臨空之聲。月牙泉在鳴沙山園中，作新月形，傳爲漢時出天馬之溼洼池。寬廣約二十餘畝，泉水澄碧，游魚往返，而五、六鷗鳥，迴翔其上，真自然奇設也。

三

敦煌文物散全球，畫塑精奇美並收。同拂殘龕同讚賞，莫高窟（窟所在地，唐時稱莫高鄉，因以得名。）下作中秋。（在莫高窟前張大千寓中作中秋，同到者：高一涵、馬雲章、衛聚賢、曹漢章，孫宗慰、張庚由、張石軒、張公亮、任予宜、李祥麟、王會文、南景星、張新智等。）

四

月儀墨跡瞻殘字，（見索靖月儀墨跡四五字。）西夏遺文見草書。（見西夏草書數紙。）
踏破沙場君莫笑，白頭才到一躊躇。

五

畫壁三百八十洞，時代北朝唐宋元。譚譚民族文藝海，我欲攜汝還中原。

六

斯氏伯氏去多時，（斯坦因、伯希和）東窟（榆林窟）西窟（西千佛洞）亦可悲。敦煌學已名天下，中國學者知不知？

七

丹青多在右相法，（蜀立本畫法最多）脈 爭看戰士拳。（張大千得唐人張君義斷手一隻）
塞以墨蹟告身述其戰功均皆完好）更有某朝某公主，殉國枯坐不知年。（某亡國公主，
據張鴻汀先生云：「係亡元公主。」坐化洞中，其遺骸事略，均爲白俄毀去。）

八

瓜美梨香十月天，勝遊能復續今年。岩堂壁壁無成毀，手撥寒灰檢斷篇。（敦煌瓜果皆極
甘美）

驢登鳴沙山

立馬沙山上，高吟天馬歌，英雄不復出，天馬更如何！

廿一 萬佛峽紀行詩

萬佛峽在安西境三危山下距縣城一百四十華里

一 澗水狂風互作聲，高崖入夜更分明。三危山下榆林窟，寫我高車訪畫行。（當地牛車，輪大車高，乘之極安穩。）

二

附 墨蹟唐人畫，宋抹瓦塗覆幾層。不解高僧何事去？獨留道士守殘燈。（萬佛峽之榆林窟中千佛寺，現爲道士觀矣。）

三

附 層層畫多完好，種種遺聞不忍聽。五步內亡老道士，（鍾道士，南州人，八十餘，民國十九年爲匪所害，並將藏經燬去。）十年前燬一樓經。

紅柳疏映夕陽，梧桐似楊柳。土人以糞生五不同之葉，呼爲梧桐。一秋老葉兒帶。水增麗色如圖畫，山比先生似老蒼。

甘州西黑水河岸古墳占地十餘里土人稱爲黑水國掘者發現中原
灶具甚多遺骸經骨皆長余檢得大吉磚並見草隸數字

沙軍迷離黑水邊，何王建國史無傳。中原灶具長人骨，大吉銘文章隸磚。

古浪至蘭州道中果園甚多紅紫相間蔚爲大觀

合城西去玉門還，莊浪河東欲曉天。萬紫千紅冰雪裏，爭將血汗染山川。

古浪道中贈一涵先生

古浪道中往復過，古浪河水聲潺潺。鄉村紅蕪煙黃葉，客路天山禮雪山。白髮這期開畫

運，蒼松應共挺人間。梨香瓜美山河壯，悔不同君出玉關！（按古浪爲漢時蒼松關）

河西道中

山川不老英雄逝，環繞祁連幾戰場。莫道葡萄最甘美，冰天雪地軟兒香。（軟兒，梨名，冬日食之最甘。）

蘭州城外鄧寶珊園中弔其夫人崔錦琴女士及子女爲題名曰「慈

愛園」

百感茫茫不可宣，金城到後更凄然。親題慈愛園中額，莫唱鳧雛傍母眠！（寶珊長女倩子，最爲奮謀，錄寫杜詩「糝徑楊花鋪白氈，點溪荷葉疊青錢。筍根稚子無人見，沙上鳧雛傍母眠。」一七絕一首，翌日與其母及兩弟同罹難，皆葬園中。）

西寧逢重九聞三弟作新之喪

巴顏喀拉山容日，禿髮烏狐墓草黃。無限茶萸無盡感，獨來青海作重陽。

斗口村紀事詩

萬木參天起箭楊，玉屏飛翠護農場。餘生誓墓知無日，白首依依去故鄉！

沔陽竭武侯墓墓前雙桂枝幹挺拔濃陰及畝因同衛聚賢會子才王
慕曾張庚由等攝影其下

老桂空山伴武鄉，千年墳上并生香。夔州松樹成都柏，同爲乾坤作棟樑。

寧羌至廣元道中

大散關前雪已深，五丁關下雁來頻。清風峽接明月峽，山似英雄水美人！

孝威將軍以酬羅斯福總統詩見示率書所感

梁寒操 九一八十週年之日

五卅花，於今人類呼仙槎。爲求真理尋新陸，慷慨揚風驅祖家。清淨教徒翻不妄，盡嚴民主國終叛。一朝獨立義旗張，權利宣言天地壯。華翁信是人中龍，八年苦鬥樹豐功。功成不居謝帝冕，公僕罷任還歸農。聖雄無對大林肯，更爲黑奴籲平等。寧與同族相操戈，人道精忠何耿耿。千秋義戰無過斯，獻身真理終爲犧。以此精神奠新國，富強庶幾有今茲。廿七年前一劫始，森林蠻族張獠齒。威爾遜氏亦人豪，渡海周旋奮然起。爲我民主永安全，戰爭意義朗然宜。十四原則示天下，去殺勝殘唱國聯。惜哉濁世未能從，獨角鉤心焚賽宮。元兇雖踏禍根種，孤懷咄咄徒書空。歸國愀然悲羽鍛，參戰何成唯戰債。難堪譏訐八方來，一代蒼人嗟失敗。權術相尋禍豈窮，褐衫今又逞兇鋒。電擊雷轟十國圖，真如隕籟逢秋風。人間仁義復何有，平等自由成腐朽。三兇相相爲精心，欲把乾坤入虎手。禍始追原自藩籟，哀哉禹域首遭殃。史汀生計西門阻，涓涓不惡宜湯湯。今我抵滄海五載，此心鐵石終無改。血淵骨嶽只尋常，誓盪妖氛安四海。痛矣陵谷人始醒，反侵略源久無成。坐令寇焰日盜熾，歐亞山川盡血腥。美人民主夙標榜，世變如斯究安任。前

驅未肯入漩渦。烽火願爲軍報。先人門志尚依稀。文藝高梁志易衰。鐵國可知非久計，
何時一怒車輿師。高瞻人仰羅斯福，知藝宜從突宜曲。其如庸衆愛安常，隔岸猶思觀火
獨。大選三膺例破前，仔肩不卸豈徒然。斯人大任天所降，劍及屨及宜毋延。納粹刀鋒又
東指，流血成河幾千里。蘇人誓死爲反攻，列寧格勒亦危矣。羅翁海上曾邱翁，八事宣言
動域中。遲滯終是事之賊，取義還須及古風。孝威將軍能遠見，早知世局如何變。代滯借
筭言炎炎，戰略指掌臚畫線。喜獲羅翁萬里書，誦詩示我問何如。六韜我佩將軍綱，我亦
長詩將意抒。

重陽後一日國慶日偕僑務委員會全體同人登西山野宴

陳樹人

患難相同閱九年，今朝慶事在山巔。笑看烏帽登高客，預作黃龍痛飲筵。林壑澄鮮開
霽日，鄉關指顧靖烽烟。定知此會當來歲，爛醉鍾山酒似泉。

宴中警報再戲賦一首

警報聲中酒半醺，無人失箸雷聞。
不知荒鷺（倭寇自稱飛機爲荒鷺）驚看否？似此西山
鸞鶴羣。

西山曉步

四山蒼翠裏，秋色在欒林。
雨後新寒薄，天晴曉霧深。
衆峯如笑逐，一杖恣行吟。
患難聊安素，非耽泉石心。

山居讀阿彌陀經

理得心安卽佛仙，西方樂土在當前。
三間草舍環松竹，不羨莊嚴別有天。

登西山頂

小住西山願不遠，又波絕頂興遄飛。得毋此處棲鸞鶴，更有何人採蕨薇。一杖凌巒升石磴，萬松金碧絢晴暉。登臨未作施丘想，笑事思歸賦式微。

讀新約

人子何時陪父座，乘雲審判怙愆人。眼前誰不登天國，只要無慚俯仰身。

爲若文繪瓜棚小像并題

種得秋瓜可廿斤，多卿四體實勞動。茲圖趣異凌烟閣，只是山家特記勳。

詩聖

東山七月家幽風，一首鴟鴞意最工。徑國迪民維世道，千秋詩聖定周公。

讀老子

納粹法西成底事，食人率獸互侵吞。不先懲儉真三寶，是我中華大國魂。

山居爲若文壽

烽烟著處得盤桓，稱壽山間有異歡。松柏岡陵齊祝頌，佳兒嬌女作杯盤。唱隨冊載頭俱白，共難經年恁更丹。截佩笑今同負戴，此心何日不相安。

蘭垣寓廬被炸承隴東鄉親甘院師範諸學員暨友慰問賦此記實

慕壽祺

火龍飛下午晴初。（辛巳年八月卅一日正午）彈雨東來過敝廬。佛國慘遭无量劫。秦灰猶憶去燒書。乾坤鼓鑄新機械。函電馳傳舊里閭。萬事到頭皆是夢。茂陵驚起病相如。

隔牆駝廠更堪憐。霹靂一聲驟上天。何況貧家小茅屋。古來滄海變桑田。心經枉誦白鴉鷗。血淚悲啼紅杜鵑。（聞有怪鳥悲鳴不已）造物多情留我在，安身喜贖兩三椽。

硫黃毒質滿階除。瓦礫堆成劫火餘。歲稔有人還乞米。水艱何地可呼車。瓶中竹葉春光碎。窗外梅花月影虛。珍重三行舊題字。椒山昔日手親書。（字畫匣被炸椒山墨蹟僅存數行）

書穿洞穴地鋪荆。何不隨家早出城。人到老年雙足軟。事從難處一肩撐。鴛鴦破瓦碎猶落。燕雀無巢厦已傾。幃下空堂晝深黑。世途雖險我心平。

芙蓉鏡下照黃鬚。(爲硫黃氣所染)我是臨涇一腐儒。失馬安知非福命。塗鴉枉自費工夫。(拙藁損失甚多)紅羊浩劫三生定。蒼狗浮雲萬變圖。老友聞風先後至。殷勤握手淚含珠。

苜蓿家風老鄭虔。書爲性命視爲田。無行不與二三子。此地安居五十年。夢兆有時今應矣。(春間曾夢厦房傾倒)胸懷隨境總超然。眼前毀壞皆餘事。靜養心神敢怨天。

堂高窗破燭無輝。深巷人家犬亦稀。萬點城烏驚月出。一羣火鳥破雲飛。(有人打信號槍)登臨不盡滄桑感。恬淡寧無勢利譏。秋夜五更天漸冷。筒中可有薄棉衣。

回思地震(民國九年)與天災。(下東關火藥庫爆炸)劫後蝸廬幸未灰。閒藉著書磨歲月。陡聞平地吼風雷。河山收拾從今日。土木經營仗異材。(倩趙嫁長鳴琴監工)破壞之餘謀建設。中途又恐敵機來。

贛北大捷

尹欽衡

丈夫處世立功名。笑帶吳鉤事遠征。
塵榻西風吹畫角。鄱湖曉色引危旌。
星疏月淡雲歸陣。地裂天崩電掃營。
不斬樓蘭終不返。揮軍直薄豫章城。

誓挽春江已逝波。恥同魏絳妄言和。
沙場每灑英雄淚。落日長揮壯士戈。
笳奏自喧修水曲。馬嘶爭渡雒州河。
禁軍佈就常山陣。胡騎千羣不服多。

大將登陣振國魂。平日伐鼓出軍門。
金旌蔽野黃塵沒。鐵翅橫空白日昏。
城上秋聲聲自厲。腰間寶劍血猶溫。
寇酋統魄從今始。一勝誰云不足論。

伊誰爲國作干城。刁斗宵鳴夢不驚。
岩月冷含秋色滿。鐵衣涼透劍光明。
落花流水牛羊散。鶴唳風號草木兵。
肯待來朝朝食後。將軍坐聽凱歌聲。

聞太平洋劇變

李仙根

樓夷戰四年中。泱泱中華大國風。
羽報海洋烽火急。一堂論政尙從容。
(接訊時正在內

西來寧只稻梁謀，奉國忘家春復秋。今日豈堪回首望，平添心上一重仇。
痛念蒼生浩劫前，洋場十里冒硝煙。莫鎮苦苦尋因果，爪換麻姑剛百年。
正憶龜堂心太平，年來鼙鼓一聲聲。全家又在倉皇裏，消息無從問死生。
白髮高堂黃日兒，山妻一力賴扶持。重溟尚有遊方子，淚盡勞人那得知。
赤手空拳事不忘，卅年春夢幾多揚。今朝真覺名何貴，誤盡平生書一箱。
龍伏後禱上帝靈，千愁萬慮解傳經。信知爾國將臨格，底事人間罪已盈。
敬禮青天白日旗，揚威懾算可如期。四強已合懲膺力，釜底遊魂看醜夷。

可惜

尹石公

國士戎夷譽豈虛，茶鍾鬢影老尙書。從容一死章臺柳，可惜尙書竟不如。
新編論語掌成均，可惜妻孥累此身。不值一錢終隳燹，空留園石署詩人。

聲伎南都枉費才，馳驅戎馬亦堪哀。晚年可惜回陳棧，更向鄉關聽舉來。
勸降書囊幾研商，臥子聲華媿雁行。一味強詞難奪理，搗文可惜李舒章。
僞命曾汗鄧與王，杜陵贈答誼難忘。後來可惜亭林集，復有詩酬史庶常。
貞心獨矢比松筠，耳鼻摧殘不顧身。可惜濟班史亦豹，媿它弟婦八夫人。
西山不用遠逃遁，聲色園林足自娛。可惜陶成故人子，讓它捧硯寫新圖。
樓栖交友隔天涯，經學蕭山有作家。可惜貴人毛大可，竟同郭象注南華。
金椎根不中秦皇，題筆彭城意慨慷。可惜晚年官七品，相韓家世媿張良。
眉山撫誨念平生，可惜虛叨館職榮。直筆何如齊太史，湖州獄豈忘難兄。
焦原濡首無所已，稿木寒灰任汝稱，忠孝終焉歸佛事，遺民可惜半爲僧。
錢戶逃名數十年，讀書食舊子能賢。多文可惜楊高士，百卷飛樓集未傳。
杜陵忠愛性情真，祖述風騷筆有神。誰爲毛詩作箋疏，錢盧可惜盡降臣。
長城天不限強胡，敗寇成王語豈誣。可惜漁人先得利，元勳牛宋讓吳。

雙壺馬首一時新，僕僕安仁拜路塵。傳列貳臣終可惜，盡忠晚蓋豈無人。
徐敬時張家玉諸人皆先降李自成後在南明殉節者
備名亂實世聞多，鼠首偷生奈若何。狗馬史亡彌可惜，令人長想李檀河。

題鵠鶴詞哀仲廉

王煥鑑

九原疊寇日，萬里泛家時。已斷兒兒望，猶懸報母恩。名隨書跡滅，困與病軀宜。掩耳難
爲聽，鵠鶴鳴正悲。

賞月天主堂呈方司鐸豪

勉將愁髮眼，來覓客中秋。寺古疊花醉，鐘鳴邊月幽。已多生死感，更惜歲時遊。赤子今
塗炭，天關許叩不。

養疴雜詩

鄭承銓

山色不熨眼，化工疑有偏。江聲如飢腸，汨汨朝夕煎。昔人柳易播，百世猶稱賢。乃知靈輿部，徒以書生傳。（莫子偃以遊義修志失收部因字部亭以誌之）經巢遺集任，冷冷南風絃。平生窮教授，曠喜荔波烟。（見鄭子尹詩）一念欣戚交，十日蠻鄉懸。更無臺台酒，暫離全吾天。（黔中方有酒禁）

磨牂萬山中，終歲惜密雲。吳牛得無喘，蜀犬證舊聞。想此雙跳丸，匿欲逃世氛。伊予十日臥，寢食迷朝曛。憤然命毫素，移彼靈隆文。眼昏還自笑，微吹真秋蠶。

平生劬雕蟲，茹苦不能息。如貯瓶空，遠饗千里國。古來誇能手，一一託情識。妙詣成編怡，人巧與天即。紛然旋前屋，應了諸機力。君看點晴龍，破壁生羽翼。

靈情屬有尙，棘刺觀母猴。微塵析鄰虛，繭絲引芷鈎。交鬩蝸兩角，戰血飄陵丘。衆寶麟攀逐，恐不預此流。三嗟彼自苦極，妙義翻成難。大鈞運一氣；侈效爲夏秋。人生具七情，萬化相拍浮。奈何厚養指，自樂章句囚。

苦雨聲逗酸，袞裂不中畫。惆恍平生友，督迫紙筆資。夢回忽指活，匹素頃剝疥，下登石巖

詞，上登溟渤濟。身與天地忘，捧胸兀光芒。置我水石間，頗覺同沈澁。何事絕念參，獨性聊一快。

焚香不供佛，但以齋予心。搜句何必傳，聊用資高吟。我愛五柳翁，解弄無絃琴。居常羅得酒，挂口酌與斟。頗會達道者，所寄良深深。

世傳石室生，寫竹是其病。病已壓袖手，有似逃陷穽。又聞張季明，浩首種草聖。借酒緣自然，老坡深致諍。吾觀二子蹤，逸氣發至性。或時杜德樹，流俗駭奔迸。誰能作九原，喚起示此評。

一峯陳虛窗，紫翠紛爛漫。微風拍林莽，涼入鬢絲亂。啼鶯不知冬，好鳥發微嘆。地氣屬物情，百里分畔岸。憶予遊青丘，五月似一半。蜂蝶說梅花，南客魂欲斷。始悟浮生中，隨分應殊觀。

荒城破長寂，孤角朝夕吹。香塵謝世議，長出人心疑。聽此數十年，焉能絕聞知。憶在童稚初，吾父常攢眉。見知此聲否？殺機方觸爲。大津橋上鵲，耿耿水劫悲。兵氛染一世，

遺訓真善繼。萬里邱壠隔，千淚哀孤兒。

學堂居比屋，擇鄰意良多。不聞親書卷，日夕聽謳歌。夕歸訊諸兒，名數都滑訛。百年樹人業，今古真殊科。吾欲申一難，奈此衆昧何。漸老不曉事，墳索徒靡娑。

文字獨坐娛，書畫閉戶賞。乃知古人心，健氣發滢滢。涪蟠弄狡獪，謬託長年漿。外流倚中積，精微本真放。妙境偶拾得，稱情斯技痒。軒然聞交譽，迫素豈非枉。寄言遊藝人，解會觀所養。

吳生白（白芻）維揚俊，嗜癖同予狂。枕函黃鶴松，覺夢心清涼。頂門負隻眼，長恨十指僵。千里月有書，語必倪與黃。豈徒詭望氣，如鼻別臭香。君已過巨濟，顧我慙元章。二年想高韻，緣會艱爲償。何時特健藥，促膝搜筐箱。

介甫歸鍾山，秉燭疏楞嚴。牧齋逾八十，蒙鈔勅一籤。二子屬有悔，晚識知途淹。廿年經深徑，冀澈中邊甜。用意與麼時，何暇分頓漸。葛藤痛爲掃，心力增鋒鋷。圓通牒一棒，稽首皈白拈。（燈錄雪峯謂臨濟白拈賊）

王生。幽函，蔽眼高羅垂。落几綉深碧，攤書涼露滋。當夏苦微暗，細字看已疲。西風送
凝霜，入冬傷離披。春秋信知好，佳日無多時。吾生百所遭，衆慕非真知。語君惜光景，
暫得堪自奇。

主人愛其宅，種花滿前庭。百卉條已無，玉茗雙娉婷。孕育逾數月，照眼非久馨。優曇思
勝解，會此常惺惺。曠世逢異才，幾費毒與亭。彈指今來去，獨語風中鈴。對花坐向夕，
歡數天邊星。

斗米金五十，官廚煙不高，嬌女欣市聲，索買錫果饈。空拳逞妄語，誑之不勝勞，阿爺成
奇書，博易多錢刀。爲汝載一車，梨栗橘杏桃。開歲蕩羣醜，歸帆喜遲艘。還我蠶織鄉，
爲汝裁新袍。一笑來挽鬚，得計吾暫逃。寧知老夫淚，合眼吞如醪。

盧六四日留，便作三日醉。入國始聞禁，掉舌說長吏。渴腸固心非，利口兼面議。故人羅
笑憐，置酒慰其意。瓶空星月高，出門無行地。挾持如曳牛，直欲道旁睡。劉秀不嗜飲，
大度知愧季，莫負頭上巾，入世康一戲。吾常思此君，欣欣真世瑞。

九月廿一日復興關觀日全蝕

周邦道

三百九十九年前，明嘉靖二十一年七月己酉，日全蝕。維時，戚爾塘大破倭寇，建藩勦。

晴空蒼地入溟茫，時日於今又喪亡；興夏平倭天有象，會教諸將盡南塘！

送劉雲僧之南洋

秋高振鬪且圖南，客裏巴山別未堪；海內無多已感，送君復急望歸驂！

敦煌歸來途次甘州留宿陝西會館旅甘陝人及邑中士紳紛以紙卷求右公法書自午迄子夜公爲作五百餘幅過萬字前時草聖無此例

也紀以詩

張庚由

小住廿八，嗟暮鴉，撥翁缺底說龍蛇。墨綠萬字開新紀，草聖當行第一家。

偶成

嚼啗士不競，整頓尙機謀。但餉粗糲飯，何須千金裘。娟娟雲邊月，翳面爲子羞。所屬編
襦陋，曠懷擬登樓。清酒供斟酌，二三會心儔。佳句覺時得，足可資獻酬。吞吐八荒意，
興翔自在鳴。巴渝竟重到，深悔前度游。

雪霽奉陪右公涵公民洽校園縱目

嵐霧明瓊樹，堆花雪正繁。晶瑩深萬里，浩蕩望中原。初霽開新象，白頭喜故園。家山真
壯麗，凝注可忘言。

莫高窟

莫高窟上登臨日，始是湖湘血戰時。萬里朔風貪捷報，中秋雖好不吟詩。

侍右公登鳴沙山

暖日天清秋似春，月牙泉上靜風塵。先生老矣雄心在，立馬鳴沙第一人。

鳴沙山奉賜高一涵先生

朔漠秋風點鬢蒼，高公垂老鬥身強，鳴沙山上隨雲降，自有雷霆動四方。

詞錄

訴衷情

三十年九月十八日同庚由自渝飛蘭溪中

于右任

雲開眼底現平川，最好是今天，摩天嶺上飛過。詩未就，以詞傳。詞不盡，寫空閒，漏人
關；河山壯麗，無計形容，搖斷蒼髯。

水調歌頭

歲辛亥亡弟勤士年二十六充廣西全省警察廳廳長佐中丞沈公秉堃辦新

政有聲後沈公以廣西響應武昌實由亡弟定計左右沈公爲之桴鼓不驚坐更國變此間能
談此舉原委者今無人矣昨過撫署舊址祇餘短牆一圍化爲廣衆技擊之所撫今追昔情見
乎詞

章士釗

三十年前事，一一到心頭。當時此地威武，人物出湖州。曾記中丞豹變，計出金吾一棒，慷慨賦同仇。古意倩誰識，明月在高樓。一青陽逼，四海窄，一子由。功名元出年少，年少不曾留。一代興亡勝迹，今日鞠爲茂草。何處託羈憂。悵望東坡老，彭水憶生游。（東坡此調半是懷子由作）

送入我門來

示姪東巖東浩

三十年前，乍移胡鼎，而翁曾此蜚騰。願我西來，晚歲試初程。早知今日河山碎，似應惜當年身手輕。祗吾家清白，臣戎半箇，也負平生。（於中應有一箇半箇恥臣戎乃龍川詞句）便欲一帆歸去，幾多鼠牙雀角，惱亂無形。我自閑閑，憂樂總難名。時危縱作菘裘想，聞墟桑麻孰與成。仗爾曹著力，家仍芒屨，門有書聲。

滿江紅

八月十三日張向華席上作

驚取吳淞，抑蕩盡蝦魚踪迹。誰不道飢餐渴飲，精忠無斃。千萬斯年亡國恨，一千四百橫

戈日。莫倚懷行成未歸休，風雲急。大小戰，發軍力，江海意，張公惜。祇傳杯馬上，笑談今夕。一片關存乾淨土，三年制淚滿湘客。歎書生橐筆兀無聊；看山色。

高陽臺 桂林懷葉遐卷

飄灑波心，亂撐山骨，灘江如此風煙。第一番游，似曾往日留連。驚翁昔擅杉湖勝，祇今朝冷綠堪憐。更無須問訊西巖，龍隱何邊？平生師友飄零盡，獨石林無恙，逸趣遙傳。臨桂風流，番禺一老蟬聯。悔遲仍費江郎筆，總輸君絕妙詞箋。謾相驚，誰詠楊花，見賞坡仙。（用章質夫事）

鷓鴣天 巴山春暮用放翁韻

流轉千山到此山，杜鵑日夜喚春殘。平生幸有銷愁訣，慣醉流霞可駐顏。混沌譜，自然丹。銀河九曲水雲閒。八風不動春常在，到處逍遙任意頑。

黃介民

臨江仙

王去病

烟銷蓬萊千萬里，潮來潮去年年。茫茫何處見樓船。銀濤奔海若，玉宇隱天仙。怕是滄桑真變換，一籌又報成田。三山都不似從前，黃塵飛滾滾，青鳥舞翩翩。

滿江紅

誦中興鼓吹

李靖烈

敵火然眉，休再似，修經訂策。作一場，生存真諦，駕皇皇奕奕。拊手東南寧放棄，舉頭蒼鬱觀西北。好男兒此際趁風雲，凌煙客。長抗戰，還建國。開花史，中興業。看禹甸絢爛，典章攸則。疾泛同舟須共濟，匹夫各負興亡責。奮龍鸞我亦筆垂虹，丹玄色。

沸鬱蛟螭，衝霄意，幾番明滅。有多少，秋深如許，溫存皎潔。賺得文章成底用，會當鼓舞方奇絕。是百年國運有衰隆，觀團結。身似虎，心如鐵。恥奴隸，甘流血。看潮傾雲湧，衝鋒殺賊。彈火濺飛猶電閃，仇虜到手真瓜切。要河山開徧戰爭花，新裝綴。

滿江紅

秋將盡矣寄慶光先生

浙浙蕭蕭，金井外，梧桐墮葉。望郊原，秋蕪如睡，涼蛩啾啾。投筆未酬青史老，捲簾又

邊黃花節。莫隨風一曲恐消魂，聲淒切。飛動意，人休說。襟屐事，情味別。把君書
三讀，滿懷明月。照我系心秋爽朗，多情醉耐泉清冽。料誰能收拾冰腸，從頭熱。

涼月娟娟，竹瓦上，錯疑霜雪。靜悠悠，夜靈似洗，無踪隨地。漫感瑤華欺鬢影，自多冷
眼觀時節。最難忘命駕勇張翰，真豪傑。邯鄲夢，烏空絕。名山事，緣須結。看詞林千
歲，敢輸阿昔。料理滄江久臥，枉拋緒傷離別。好取騎馬匹舊雄心，歌補越。

桃源憶故人 自渝飛蘭機中

張庚由

雲車初邁西行路，衝破長天煙霧。萬水千山飛渡，今日知不步。沉思前夜吹風雨，漠漠
胡氛如故。凝望京華何處？悽惻憑誰訴。

卜算子 侍右公赴關外道中

千里滄晴雲，沙軟金明滅，潤澤生民仰日頭，一派天山雪。欲問漢關河，野老猶能說。報
國心期古似今，目斷長城月。

滿庭芳

霜老園林，露鮮紅紫，古城秋壯山河。地遙天遠，初與醉琴歌。曾記黃花款步，倚芳鬢、影婆娑。西樓畔，澄塘月暗，高柳逗清波。由他。遲夜漏鳴，盟未穩，緩撫雙螺。縱徵心能寄，爭奈離多。今日天涯倦矣，且甘受癡慍嬌呵。明年又春空爛漫，低問意如何。

金縷曲

敦煌紀事

欲述敦煌事，向茫茫秋風朔漠，夢縈千里。山喚鳴沙紛五色，泉與月牙形似。唱三疊、關於此，瓜美梨香棉坼雪，散牛羊淺草平川裏。流不斷，天山間。精奇畫塑今無比，問鑄崖東西佛窟，傾埋味幾，盡道藏經足珍貴，遠渡重洋去矣。剩多少斷篇殘字。草聖家鄉揮古淚，箕中興文物堪籌計。厚教化，西方起。

西江月

敦煌紀行

西出陽關古道，今來山喚鳴沙。月牙泉上念繁華，甚處園林圖畫。崖壁百千佛洞，水城三兩人家。中興文物竟生涯，苦憶降胡天馬。

浣溪沙

聞敵向英宣戰輒紀以詞

成美楮

消息傳來儻不說？逢人時刻問經過。書一憂國已無那。自是因循貽大患。不須惆悵說欺謬。赫赫噫氣欲如何？（美國務卿赫爾曰余行年六十今日始見此大騙局也）

明信相要遞覆文。白宮三接遠東賓。大洋轟炸已紛紛。（敵機炸星加坡夏威夷電到華府）
察樓方以日方覆文遞赫爾也）九國同申蘇季刺。四年長望美洲軍一朝宣戰不逡巡。（我政府十二月九日公佈對日德義宣戰令）

菩薩蠻

奉懷盧參政淦州

黔中山水明如玉。歸來示我踏遊曲。陰雨朔風天樓頭山欲眼。白沙江上別。又作郡門客。屈指一周來，人間益可哀。

菩薩蠻 江氏祠夜

寒江日夕東流去。不知畢竟歸何處。往事只如煙。回頭三十年。朝朝空自惜。鬢已星星白。却憶錦衾單。高樓一夢難。

興隆山謁成陵 興隆山在榆中縣境

于右任

〔天淨紗〕 興隆山畔高歌，曾瞻無敵金戈，遺詔徒香讀過。（成吉思汗遺詔：「廣土衆民欲勝敵須萬衆一心」）大王問我，幾時收復山河？

酒泉道中

〔天淨紗〕 酒泉潤美泉香，雪山雪白山蒼；多少名王名將。幾番想像，白頭醉臥沙場。

黃鍾醉花陰 花溪遊賞（三十年十一月五日）

收拾吟囊趁秋曉。準備花溪去了。過太子石欄橋。交椅岩曉。山下清流繞。風吹皺四方

潮。是一幅桃源新畫稿。

「喜遷鶯」登鷓憑眺。望深紅淺翠相交。飄搖。上定番大道。水色山光分外饒。翁共媪。有的是仲家土著。有的是當地青苗。

「生隊子」紅邊情詞。門前把筆架瞧。左邊的毛錐樣子土堅牢。中間的大將山頭峙起高。右邊的一座猴坡名不小。

「么」溪南行到。有四靈不寂寥。清暉樓在鳳山腰。兩點龜蛇接瀟橋。一片飛雲鱗上嬌。「刮地風」就裏雄奇吾愛瀑。處處飛濤。向礮水石碾前頭鬧。汨汨滔滔。一簇簇撞花汜草。一雙雙翠禽白鳥。跳月歌，歸國謠。杏花村杪。吹笙喝六么。樂我漁樵。

「四門子」紆迴北路添愁抱。掛旗亭餘酒招。（碧雲窩裏開吟嘯。（吳達詮主席別墅也））主人家，無二毛。擊鉢時，與正豪。坡邊一灣名核桃。水自清，路更遙。趕不上花溪晚櫂。「古水仙子」行行行，走一遭。陣陣陣，結隊寒鴉各返窠。他他他，與我同胞。我我我，和他相好。呀呀呀，何分漢與苗。樂樂樂，共快樂暮暮朝朝。望望望，望真水真山打一

包。想想，想着俺中華顯示中興兆。喜喜喜，不負此遊遨。

【尾聲】將十里溪山入遊草。莽烽烟四海刁騷。更留戀世間蓮花格老。

越調門鵲鷄雨後登黔靈山

二勝名齊，城西數里。對峙樓霞，黔靈蟲起。鳥道雲中，松篁畫裏。那開幣，那歡喜。爾後山前，吟邊杖底。

【紫花兒序】經過了窈亭古洞，早對着虎迹懸巖，又來登一塵雲樓。只聞鼓角，不見僧衣。遲疑。滿眼丹楓掩翠微。赤松遺錫。今日個洗鉢池荒，空悵望王聖溪。

【小桃紅】舊時寶研有留題。解識寒梅意。二十年白鹿青山問誰記。去來兮。只鐘聲遠遠書燈味。笑麒麟夢非。聖泉曾沸。一併入傳奇。

【調笑令】弈棋。一盤宜。難得借博雅多聞柴（曉蓮）共李。（觸清）暫借這象王嶺上幽壺地。割鴻溝偶然遊戲。這要你陳（仲子）尹（石公）張（馥岐）華（仲慶）間談撥。莫道我胸裏藏機。

【收尾】雨纏綿的貴陽爲祝天晴禱。好風光不數吳興楚尾。試看這七十二峯中，又只有黔靈推第一。

民族詩壇

轉載

越南革命家詩鈔

(一) 越南獨立運動領導潘曼漢詩五首

一、輓孫中山先生

志在三民，道在三民，憶橫濱致和堂兩度握談，真有真神留後死。

憂以天下，樂以天下，被帝國主義者多年壓迫，苦無餘淚哭先生。

二、輓韓國革命家申奎植先生

海之東，海之南，同看滄海未填，一慟痛君還自痛。

魂兮天，魂兮地，爲問黃魂安在，千秋生你豈虛生。

三、輓阮德功同志在河城殉義

自攜手離東忽七年間，風雨重洋，關山萬里，每於艱險地，胆爲酒，薪爲牀，時對心言，生斯世當爲雄之飛，無雌之伏。

暨分襟如西已一載半，雁音竟杳，鴻爪空留，恍於夢寐中，聲如雷，目如炬，來告子曰，眞男子寧玉碎而毋瓦兩全。

四、輓崑崙島死義諸同志

崑崙島而積若巖，偏容許多人，奇絕奇，設造當初，寧聞有期與無期，波中湧起孤峯，高高高，留箇英雄萬古宅。

越南國血購得來，所值只一死，怨何怨，流離此日，不以歌去以哭去，夢里驚呼同志，戰戰戰，戰我河山獨立天。

五、聞阮同志式唐在河城殉義作古風詩哀悼

魚島之西鴻嶺南，靈秀鍾爲瑰奇男，銅筋鐵骨特立器，氣魄昂然眞不凡，俠腰曾佩少年

刀，孤狼驚看刃出鞘，遊學風潮陡然起，鳴鏢直指扶桑道，驅崩許國豈知倦，北陸南洲
走欲通，鞘略書曾夜夜攻，劍槍術又朝朝戰，七尺頭盼當自喜，單刀匹馬快我志，生須掃
盡捲鬚兒，不然死向沙場死，全歐戰雲天地昏，乘時急向邊城奔，欲把義旗向南指，殲滅
仇虜蘇國魂；仰天誓擊揮金戈，時不我與天奈何，斷頭臺上若君去，十年懷抱空咨嗟，惜
君最是腰間劍，未試仇頭鋒遞斂，惜君最是肩頭槍，彈丸未許仇人嘗，悲君重爲江山悲，
血戰關河失健兒，痛君爲吾儕痛，風雨雞鳴與誰共，吁嗟乎君魂，君心未死君長存，山有
詩倒，海有時翻，我軍有時龍城搗，仇血爲君斟滿樽。

(二) 越南革命志士阮尙賢詩三首

一、旅吳（按吳卽指中國）

鷓鴣水殘山落日遙，國魂渺渺甚難招，生爲獨鶴歸何益，死化哀猿恨未銷，黃海怒濤秋
劍，吳門寇月夜吹蕭，惟餘壯志渾如昨，萬丈虹霓對碧霄。

二、感懷

民族詩壇

頻年書劍客天涯，宗國憂心敢顧家，萬里隨人惟海月，千秋知我惟梅花。波濤欲借錢王弩，星斗難通博望槎，夢罷鉤留更回首，五雲高處是京口。

三、哭阮百德功

天末凄風一雁過，驚聞寶劍已沉波，嵯峨氣骨_如今少，失敗英雄自古多，一死光明同日月，半生悲憤爲山河，他年信史修遺傳，奇士名高越石戈。

(三)越南革命志士巢南子在粵獄中哀杜君基光阮德功式唐三君爲國死

碧犬莽莽海茫茫，一紙書來淚萬行，頭恨不先朋輩斷。心雖併與國家亡，江山刺我支殘劫，風雨隨君涉遠洋，午夜燈前招影問，百身何計贖三良。

(四)越南革命志士陳國維詩五首

一、陳公_彌定

珠玉憐君委劫灰，平生壯志挾風雲，憂天淚向三更落，殉國身從萬里來，道喪幾人悲正士，時危遽廢失英才，江山整抱澄清志，坐我雲間望九垓。

二、哭阮公誠憲

石心不共富山頹，瘦骨稜稜健骨崖，
縱死定傳流血史，此生須上斷頭臺，
國魂連夜招天問，才俊何年捲土來，
芹海潮聲爲誰咽，斜陽倚岸有餘哀。

三、悼北圻河城軍界殉義諸烈士三首

養豆燃箕痛若曹，倒戈今日拯吾胞，
策勦計乃遲三刻，殺賊心還快一刀，
風雨聲中魂左袒，硝煙陣上氣前茅，
同仇廿載英雄在，請看當年胆獨豪。

不爲誅仇肯事仇，枕戈時蓄弔戈謀，
寺前血滴鬼神哭，城北魂歸天地愁，
恨到九泉仍罵賊，氣添一劍尚橫秋，
珥河水赤西風黑，獨立斜陽淚暗流。

誰將鮮血染青緇，午後寒燈一法然，
拔劍豐稜橫斫地，倒戈心事直回天，
盟誓白馬鬼神哭，劫換紅羊今古憐，
讀罷蕭蕭風雨起，聞風左袒噪殘傳。

記否詞

陳恆堪

冀野先生留鏡旬日，連朝宴遊甚愜。讀君多贈詩，余獨未就。別時告君：會將有以

補償。君行後，率成絕句四十餘章以報，姑紀一時行跡，亦不能盡所欲言也。

十載江南事易灰，飲虹名字尚崔嵬。爲君早下金陵拜，不爲龍蟠虎踞來。

聞道詩人滯鍊官，擔簦一去六朝寒。尊前半面艱難在，江上峯青帶恨看。
（余客林陵君繼在成鄉竟懷一面）

長洲弟子今餘幾？獨辦鈴旛獲晚春。劫後可憐多麗舫，家中曾見感紅人。
（在君二北亦歸安先生高弟別署感紅室往歲過筑曾一見）

知君行在尙麻鞋，嚼月吹花願已乖。酒使歌兒星散盡，那堪急景送君回。
燈窗萬怪入支頤，此是巴山雨漲時。臣甫當年飄淚處，祇今惟有杜鵑知。
入蜀偏成兩度遊，詩篇何止倍前修。春城花市峨眉月，更奈江光碧似油。
爐餘無地著詩龜，偶對風光意已酣。何處山川非砒毒，蜀中况復勝江南。

奉使清秋出劍門，高歌欲斷放翁魂。聞鈴一曲今何世？去去關山雨色昏。
故國傷春逝水東，林花三度見飛紅。摩訶池與鴛鴦寺，愁絕先生一卷中。

一卷傳刊人夜郎，休從曲海問行藏。人間未了華鬢劫，腸斷君家雅雨堂。（君刊元明書）
六十餘種現虛，曾刊書之願力尤宏大也）

樂章收付梓，傳，曲調真成日麗天，記取垂楊臨水處，酒邊人唱柳屯田。

淘美巢經有斷殘，多君收拾壓吟壇。論詩苦羨牂柯郡，邑子無功獨可歎。（楊龍友先生詩）
美堂詩鄭子尹先生東經巢詩頗君先後付刊）

誰分蓬山隔萬重，素雲黃鶴一相逢。相逢祇恨南明月，不照青溪舊阿儂。

一笑重陽得未曾，張侯不畏火雲蒸。黔南已是清涼界，况入南樓最上層。

宵分刻意說荒唐，妙舌無妨證廣長。話到麻姑搔癢處，驚心人海已生桑。

蠹醉連朝未忍歸，市樓短句半依依。小風疏雨雪溼路，遙想支笻入翠微。

兩行秋柳盡亭亭，被酒踟躕挈玉瓶。日日送君向南陌，霜前祇帶一痕青。

朝報何嫌斷爨文，游龍蹤迹本難分。霜晨已道巴山去，失喜燈宵又共君。

凌寒小向獅峯立，省識將軍有斷頭。一霎昏黃笛吹急，令人却憶潁川侯。（筑城西有獅峯）

民族詩壇

獅子山相傳明潁川侯傅友德曾在此屯兵。

舟里秋光待品題，雋遊端不負花溪。可曾放艇空煙裏，一任荒波影西。

銷魂誰與上旗亭？振觸江干載酒經。更欠青衣歌一曲，琴音來去在空冷。

四十龍場有此行，君復無意擬陽明。洞天祇隔田旬地，巖壑風回好寄聲。（陽明洞在修文

山中君未及往登）

茗邊一諾忽差池，安得丹林玉賞奇。莫倩僧家種紅豆，黔靈山色已相思。（黔靈之遊余未

陪山中紅豆一株數百年前物也）

阿誰琴雅度秋林，百蕙室中賦一尋。幾日遊程金竹逼，前村葉落比花深。（君曾在桂百蕙

先生百蕙室中唱曲）

夜來曾遣笛師還，總覺聞歌恨未刪。夢裏秦淮鳴咽水，春前悔唱念家山。

燕子春燈大可哀，不應擊節首重回。登樓共有豪情在，寫罷中興鼓吹來。

腹中藏尚春袍，貌取風神不汝勞。白質纔華渾易辨，底須頻卜更添毫。

梅津詞史尹惟曉；北欄偏先陳仲弓。俱是江淮老名士，與君同面感冰鴻。
兩先生均客筑連日同聚）

五尺道中便草履，八楞橋畔闌榛菅。微吟盡得攀珠樹，對影何曾割玉山。
詞林也自愛兩強，留滯春明感弗堂。牘得菘澹曲話在，當時掩卷已回腸。
話君與任二北君數稱之）

且闌入曲此隨先，豈意山城動雅絃。箏舞焚歌誰會得？待君落筆寫初禪。
斷腸人已在天涯，且誦東瀛天淨紗。莫使言歸歸不得，又彈秋淚向三巴。
一幅殘箋雪紋，數行心事澹難分。書將瑤草風流句，却當山中贈白雲。
（余曾寫馬瑤草

西江月詞贈行）

十日留君意已銷，可堪揮手上河喬。朝來坐想征車發，又帶飛鴛度次寥。
載得柴翁說禮篇，不虛洛下返書船。北行厭合肩經去，滿目兵戈喪玉川。
此去應須訪米樓，惟憐斷碣冷松楸。瘞醫人渺江山改，落日昏曛古播州。

版 權 所 有	
民 族 詩 壇	編 者 盧 前
校 對 者 趙 力 生	印 行 者 獨 立 出 版 社
重慶香國寺上首	正 中 書 局
重慶中一路二一〇號	經 售 處
中國文化服務社	重慶磁器街二十二號
民國三十二年五月初版	
實 價 二 元	